

ORDE do 3 de xullo de 2015 pola que se establecen as bases reguladoras dos programas de fomento do emprego en cooperativas e sociedades laborais e a promoción do cooperativismo, e se convocan para o ano 2015. Consellería de Traballo e Benestar (DOG nº 133, 16/07/2015)

Obxecto, finalidade e principios de xestión.

Esta orde ten por obxecto establecer as bases reguladoras e a convocatoria das subvencións establecidas pola Consellería de Traballo e Benestar, coa finalidade de fomentar a incorporación de persoas desempregadas e persoas traballadoras temporais a cooperativas e sociedades laborais e apoiar o desenvolvemento de proxectos de emprendemento:

Programa I-Fomento do emprego en cooperativas e sociedades laborais.

Programa II-Fomento do acceso á condición de persoa socia.

Programa III-Impulso de proxectos empresariais cooperativos e asistencia técnica.

Programa IV-Promoción das cooperativas xuvenís.

Programa I: fomento do emprego en cooperativas e sociedades laborais

-Finalidade:

Este programa de subvencións está dirixido a fomentar a incorporación de persoas desempregadas e de traballadores e traballadoras con carácter temporal como socios e socias traballadoras ou de traballo de cooperativas ou sociedades laborais, con carácter indefinido.

-Beneficiarios/as:

a) **Persoas que no momento da incorporación sexan desempregadas** inscritas como demandantes de emprego no **Servizo Público de Emprego**. Para os efectos desta subvención, o requisito de ser persoa desempregada e estar inscrita como demandante de emprego no Servizo Público de Emprego deberá cumprirse na data de alta da persoa socia traballadora no correspondente réxime da Seguridade Social.

b) **Persoas vinculadas á cooperativa** ou sociedade laboral por un contrato de traballo temporal non superior a **24 meses**, cunha vixencia mínima de 6 meses á data da súa incorporación.

-Modalidades e contía das axudas:

Ata 5.500 euros por cada persoa que se incorpore a xornada completa como socio ou socia traballador/a ou de traballo nunha cooperativa ou sociedade laboral.

INCREMENTO CONTÍA AXUDA	COLECTIVO
1.500 € (ata 7.000 €)	Muller desempregada
2.500 € (ata 8.000 €)	Desempregados en situación de exclusión social (varias opcións)
4.500 € (ata 10.000 €)	Desempregados con minusvalía igual ou superior ao 33%.

NOTA: No caso de cooperativas xuvenís as devanditas contías incrementaranse nun 25 %.

-Programa II: fomento do acceso á condición de persoa socia

-Finalidade:

Este programa de subvencións está dirixido ao fomento do acceso á condición de socios e socias traballadoras ou de traballo, de cooperativas ou de sociedades laborais, así como **ao fomento do acceso de persoas emprendedoras por conta propia á condición de socias de cooperativas**. Este acceso facilítase mediante o **financiamento das achegas económicas ao capital social** que debe desembolsarse para a incorporación como socio ou socia.

-Beneficiarios/as:

- As **persoas desempregadas** inscritas como demandantes de emprego no **Servizo Público de Emprego** que accedan á condición de **persoa socia traballadora** ou de traballo dunha cooperativa ou sociedade laboral.
- As **persoas socias a proba de cooperativas** e as **persoas asalariadas de cooperativas** ou sociedades laborais que **accedan á condición de persoa socia traballadora** ou de traballo.
- As **persoas que figuren de alta no Servizo Público de Emprego de Galicia** como demandantes de mellora de emprego e que accedan á **condición de persoa socia traballadora** ou de traballo de cooperativas ou sociedades laborais.
- As **persoas que se incorporen como socias traballadoras** ou de traballo, en virtude da transformación da empresa na cal presten servizos en cooperativa ou sociedade laboral.
- As **persoas desempregadas** inscritas como demandantes de emprego no **Servizo Público de Emprego** que **empresen unha actividade por conta propia** e se incorporen nunha cooperativa como **persoas socias**, con compromiso de exclusividade, para comercializar os seus produtos, obter subministracións, servizos e a asistencia técnica que precisen. **NOTA: E O CASO DOS SOCIOS QUE SE INCORPORAN A UNHA COOPERATIVA AGRARIA**

-Modalidade e contía das axudas:

- A contía das subvencións para as beneficiarias previstas **letras a), b), c) e d)** poderá ascender **ata 4.500 € para a incorporación a unha cooperativa** e ata 3.000 € para a incorporación a unha sociedade laboral.
- A contía das **subvencións** para as beneficiarias previstas **letra e)**, poderá ascender **ata 3.000 €**.

A contía máxima da axuda, no momento do seu pagamento, non poderá ser superior aos importes efectivamente desembolsados en concepto de achega ao capital social e cota de ingreso

NOTA: No caso de cooperativas xuvenís as devanditas contías incrementaranse nun 25 %.

-Programa III: impulso de proxectos empresariais cooperativos e asistencia técnica.

-Finalidade:

1. Este programa de subvencións está dirixido a fomentar o cooperativismo e a economía social, concedendo subvencións que faciliten a posta en marcha dos proxectos empresariais, tanto de nova creación como xerados polas cooperativas e sociedades laborais existentes.

-Beneficiarios/as:

1. Poderanse acoller ás subvencións recollidas neste programa as cooperativas e sociedades laborais que realicen proxectos empresariais subvencionables

2. Igualmente, poderán resultar beneficiarias as persoas físicas e empresas privadas que presten os servizos de asesoramento e acompañamento de proxectos recollidos no artigo 42 desta orde.

BENEFICIARIOS	OBXECTO	CONTÍA
-Constitución de cooperativas ou sociedades laborais.	Cursos de dirección e xestión empresarial, co fin de cubrir as necesidades de formación das persoas socias que se incorporen a cooperativas e sociedades laborais.	A contía desta axuda será de ata o 75% do custo dos servizos prestados ata o límite máximo: 20 euros por cada hora de duración efectiva multiplicados polo número de persoas socias participantes na actividade, cun límite máximo de 1.000 euros e max. 5.000 euros de subvención por cada beneficiaria
-Transformación doutras fórmulas empresariais en cooperativas ou sociedades laborais.	Asesoramento e acompañamento:	Ata 10.500€, con límites en función do número de promotores e de horas dedicadas ás actividades.
-Lanzamento de novas áreas funcionais ou territoriais de actividade das cooperativas ou sociedades laborais existentes.	-Actividades previas ao inicio da actividade -Orientación e acompañamento do proxecto -Accións formativas dos promotores -Elaboración do plan empresarial e o seu seguimento e asesoramento na execución.	

<p>GASTOS DE CONSTITUCION:</p> <ul style="list-style-type: none"> -Elaboración de estudos de viabilidade, de organización, de comercialización, de auditorías e outros informes de natureza análoga -Elaboración de estatutos, regulamento de réxime interno -Formalización escritura pública e trámites de constitución. 	<p>Máximo conxunto de 5.000€, límites particulares:</p> <ul style="list-style-type: none"> • Ata o 75% custos (máximo 3.000€) • Ata o 75% custos (máximo 2.000€) • Ata o 75% custos (máximo 2.000€)
---	--

-Programa IV: promoción das cooperativas xuvenís

-Finalidade:

Este programa está dirixido a apoiar o desenvolvemento de proxectos de **creación de cooperativas xuvenís** mediante subvencións directas para o financiamento dos custos derivados do lanzamento da actividade.

-Beneficiarios/as:

As **cooperativas xuvenís de nova creación** formadas maioritariamente por **persoas socias traballadoras ou de traballo que teñan entre 16 e 29 anos de idade**, poderán acollerse ás subvencións para o financiamento de custos previstos neste programa por unha soa vez.

Para os efectos deste programa, consideraranse como **entidades de nova creación as que non superen os dous anos de actividade**, contados ininterrompidamente desde a data de alta no imposto de actividades económicas ou, de ser o caso, da alta no censo de persoas obrigadas tributarias do Ministerio de Economía e Facenda, ata a finalización do prazo de presentación de solicitudes.

Obxecto e contía das axudas.

Poderá concederse unha subvención directa para financiar parcialmente os gastos correntes derivados do inicio da actividade **ata un importe máximo do 75 % do seu custo**, excluídos impostos. Poderán ser obxecto de subvención os seguintes gastos correntes:

- Arrendamento e mantemento de locais, instalacións, maquinaria e elementos de transporte.
- Elaboración de material publicitario funxible e anuncios publicitarios nos medios de comunicación.
- Seguros, gastos financeiros e bancarios.
- Enerxía, comunicacións e transportes.
- Material de oficina.
- Consumibles para equipos informáticos e maquinaria.
- Mantemento de equipos e sistemas para as tecnoloxías da información e as comunicacións, de páxinas web e de sistemas telemáticos de xestión e para o comercio electrónico.
- Roupa de traballo e material funxible para a prevención de riscos laborais.

O importe máximo desta subvención será de 15.000 € por entidade beneficiaria.

PERÍODO DE EXECUCIÓN DAS ACCIÓNS

Con carácter xeral e para todos os programas o período de execución de accións abranguerá desde o 1 de xaneiro de 2015 ata o 14 de novembro 2015.

Excepcionalmente e para posibilitar a atención de proxectos iniciados en períodos en que a convocatoria de axuda estivo pechada, as accións realizadas entre o 8 de abril de 2014 e a data de publicación desta orde darán lugar ao acceso á condición de beneficiario.

O gasto subvencionable corresponderá ao último trimestre do 2014 e ao exercicio orzamentario do 2015.

PRAZO DE SOLICITUDE:

O prazo de solicitude das axudas remata o 17 de agosto de 2015